



# COMUNU DE SÌNNIA

TZITADI METROPOLITANA DE CASTEDDU

---

PARCO DELLE RIMEMBRANZE - 09048 - SÌNNIA

---

## PATU LOCALI PO SA LIGIDURA

### PREMISSA

Su Comunu de Sinnia agradessit a su Patu po sa Ligidura Beni Comunu cun sa tarea de impelli, de manera sighia, trasversali e strutturada sa ligidura e sa connoscèntzia in totus is furmas cosa insoru. Su Patu po sa Ligidura est unu trastu chi tenit cumentu tarea sa apariciadura de allongiaduras intre totus is protagonistas de sa filera culturali, in manera particolari de su libru, in unu territòriu sciobera e nascit po imbordigai a: istituzionis pùblicas, bibliotecas, domus de imprenta, librerias, scritoris e ligidoris apariciaus in trumas e assòtzius, scolas e universidadi, impresas privadas, assòtzius culturalis e de boluntariu, fundatzionis de bancas e totus cussus chi cumpartzint sa pensada de sa ligidura, cuncordada in totus is maneras suas, siat unu beni comunu aundi imbistiri po sa crescidura culturali de sa persona e de sa sotziedadi, unu trastu straordinàriu po s'innòamentu e s'adelantamentu econòmicu e sotziali de sa comunidadi cosa nosta. Su Patu bolit èssiri su trastu po ocasionai atòbius nous, cuncàmbius, sperimentaduras spratzinadas e ativatzioni de logus. Sa tarea de fundòriu est torrai a pensai a Sinnia atruessu de sa ligidura e sa connoscèntzia, s'imbordigamentu de sa genti e sa relata cun is logus pùblicos e privaus, po insullai una manera noa de resilientza individuali e culletiva. Si amostat, intzaras, po intreu, unu 'deretu a sa tzitadi' atruessu de sa promovidura de sa ligidura e de sa connoscèntzia, e sa promovidura de is baloris alliongiaus a cussa.

Pighendi parti a su Patu, is partis si imbòrdigant a pigai parti a is momentus de apariciadura e progetatzioni, a spratzinai su càstiu e is allegas, a agatai is risorsas e is cumpetèntzias chi serbint po impelli s'atividadi; a su mancu una borta a s'annu a pigai parti a una gerronada de scrucullu e de adelantamentu de is stremus chi benint de su Patu e totu.

### Su Patu in dexi puntus:

1. Est unu de is trastus po fai sa ligidura una costumàntzia sotziali spratzinada, arreconnoscendi su deretu de ligi cumentu de fundòriu po totus is tzitadinus, finsas de sa pipialla.
2. Si fundat apitzus de unu alliantza intre totus cussus chi agatant in sa ligidura una risorsa de fundòriu e est obertu a sa partecipatzioni de chini cumpartzit sa idea chi ligi siat unu balori de sfrutuai e is atividadi cosa sua depint èssiri una risorsa profetosa po s'adelantamentu e sa formatzioni de famìllias, imparadoris, bibliotecàrius, operadoris sòtziu-culturalis, impresàrius e funtzionàrius pùblicos.
3. Su Patu punnat a acostiai a sa ligidura a chini no ligit e a afortiai is pràticas de ligidura bia a chini tenit cun is librus una afitianadura pagu sighia, po amanniai su tanti de ligidoris avesus. Punnat a insullai su protagonismu de is ligidoris cumentu spratzinadoris de su prexeri de ligi. In paris cun is bibliotecas pùblicas e privadas e is assòtzius territorialis bolit impelli sa apariciadura de trumas de ligidura nous e apoderai is atividadi de is trumas chi esistint giai.
4. Su Patu promovit sa connoscèntzia de is logus de ligidura e de is professionis de su

- libru, in manera particulari cun is libràius, is editoris, scritoris e atruas bisuras de genia impresària, impellendi su protagonismu e sa cullaboratzioni cosa insoru.
5. Su Patu est una cosa positiva chi fraigat coesioni sotziali infatis punnat a amanniai sa dotatzioni tzitadina de domus, pratzas e logus dedicaus a sa ligidura o bibliotecas biventis: me is logus de acorrada, in is domus de arreposu, me is condominiis, me is acontèssius de festa o atòbiu. Is bibliotecas de ligidura pùblica funt logus aundi su tzitadinu podit lompi a càstius diferentis e sedis de primori po esperièntzias alliongiadas, logus a indonu, obertus a totus, profetosus cumentis oràrius e cun confort e tennologias.
  6. Chini pigat parti a su Patu si imbòrdigat a promovì programmas e progetus dedicaus a infrentai allegas de interessu pùblicu, po afortiai una cultura de is deretus umanus, de s'intercultura e de su feminismu in sa tzitadi cosa nosta; una pràtica bia a s'aprofundimentu scientificu e a s'informatzioni documentada me is s'itius diferentis de sa scièntzia; po si arreogordai e po liai a innantis cumentis unu balori su stùdiu de sa stòria.
  7. Est unu amannadori de ocasionis de cuntatu cun is librus in si medas logus e momentus de sa vida de donniadii.
  8. Is membrus de su Patu si imbòrdigant cumpriri progetus e laboratòrius de ligidura imparis po s'integratzioni de personas cun diferèntzias specifìcas in s'imparamentu, malisanesa de movimentu e de sentidus, cumintzendi de is scolas e cun s'agiudu de assòtzius. E custu, in s'imbordigamentu prenu de totus is fàscias de eredeu, cun càstiu mannu bia a sa genti bècia.
  9. Su Patu bolit satisfai s'abisòngiu de logus fisicus de formatzioni e de consultazioni chi permitant de si movi in sa sotziedadi de s'informatzioni, unu abisòngiu chi s'intrada individuali e chene trèminis a s'arretza at fatu nou e de fundòriu.
  10. Creit chi sa ligidura siat una de is crais mellus po benni tzitadinus de su mundu.

Cussus chi firmant custu patu funt:

Comunu de Sìnnia, rapresentau de \_\_\_\_\_

---